

中華郵政特准掛號認爲新聞紙類

民國十四年八月初十日出版

(第二十期)

紹興醫藥月報

總發行所

紹興城內
石門檻

紹興醫藥月報社

◀ 第八號 第二卷 ▶

中華民國十四年夏正八月初十日出版

紹興醫藥月報第二卷第八號(即第二十期)

本報編輯員

【總編輯】杜同甲

【副編輯】何廉臣

【分編輯】胡瀛嶠

楊質安 胡寶書

王遜達 單遠鄉

汪竹安 楊厚栽

徐仙槎 王鐵如

蔣彬臣 何幼廉

潘文藻 田康濟

徐秋生 胡思範

周越銘

傅伯揚

陳樾喬

錢少楠

高芷沅

何筱廉

汪詠裳

李養和

編輯所

浙江紹興城內宣化坊
紹興醫藥月報社

總發行所

浙江紹興城內石門檻
紹興醫藥月報社

分發行所

浙江紹興城內大街
天芝堂藥號

印刷所

浙江紹興城內小教場
紹興印刷局

名譽贊成員

盛賜仲君 張天漢君 俞少村君 胡思疚君 張榮堂君

姜證禪君 陳秉衡君 胡雨湘君 胡隱燦君 陳子英君

薛軼塵君 張琴蓀君 姚曉澄君 謝杏田君 朱翰堂君

徐叔蓀君 鮑蘊谷君 姚偉澄君 陶仲安君 朱仲華君

王子裕君 錢聿聲君 朱閩仙君 陶叔祥君 章天覺君

王叔梅君 胡坤圃君 平宜生君 蕭叔明君

名譽編輯員

章太炎君 吳玉純君 張壽頤君 惲鐵樵君 何公旦君

史介生君 袁桂生君 胡天宗君 傅頰園君 高思潛君

楊如侯君 周小農君 王肖舫君 時逸人君 張破浪君

張壽甫君 陸晉笙君 楊燧熙君 張汝偉君 華照葵君

楊孕靈君 孫伯康君 裘士東君 徐經才君 沈仲圭君

名譽社員表

震元堂周乾生君 天芝堂沈企周君 老三瑞羅懷邦君 至大號葉鴻章君

天寶堂蔣宗濂君 利生堂林子膺君 天益堂潘文濤君 仁德堂陳寶仁君

上壽堂梁國賢君 光裕堂張丙暘君 天祿堂林炳水君 丁裕昌丁星階君

以上皆紹城大藥店各經理熱心公益每年認經費洋十二元正共圖醫藥之推廣

霍亂症根本防止之一例

俞鳳賓

城內三在里左近。有玉器作十餘家。聚在一弄中。每逢夏秋。必有病霍亂者一二。訪余治病。余亦屢用生理食鹽水注射法以療之。常人對於此法。或覺駭異。此弄中人。固習見之。不以爲怪也。

今歲七八月之交。自玉器作來求治者。絡繹不絕。一星期內。已達七人。其中一人用三油溶液治痊。六人注射鹽水得救。余頗有應接不暇之狀況。而思爲之根本防止焉。

乃詢諸年長之玉工。悉一弄之中。共有大小男女四十五口。約有半數。均覺患恙。余往察之。見弄傍荒地。有籬圍之。下等人。往往推開籬門。隨地遺矢。地之一隅。有淤塞之陽溝。黑泥臭穢。飛蠅集會于斯。

余勸令左近居民。澆洒火油于溝內。並澆滅臭藥水于污穢之處。阻止閒人

之步入。並勸四十五人。全體到舍間行霍亂菌液之注射法。以造成抵抗力。余慮彼等裹足不前。乃再三勸導。爲每人盡義務。遍行注射法。今已逾二三星期。別處時疫。流行仍烈。惟玉作弄中繼續發生者。竟無一人也。夫博施濟衆。堯舜猶病。若有識之士。各保其鄰近之居民。間接亦可自保。爲費不多。而效驗可立至。小規模之社會服務。人人能之。盡共同努力焉。古諺云。禍福無門。惟人自召。疾病與康健亦然。在于人之善自防衛耳。

學校系統應加入中醫學校之又一建議

江蘇全省中醫聯合會正副會長。爲教育部學校系統漏列國醫一門。特提出建議案於中華教育改進社本屆年會。今浙江中醫專門學校提出同樣之議案。茲將原案錄下。竊惟學術之振興。賴於學校之發達。學校之發達。賴於

民國十四年本報第二卷第八期目次

論文

霍亂症根本防止之一例 俞鳳賓 學校系統應加入中醫學校之又

一建議 江蘇全省中醫聯合會正副會長 復周君小農論醫者宜辨

類病之異同 劉蔚楚 論細嚼緩嚥之原理 沈仲圭 申論黃疸治

法 鹽山張錫純

學說 女科學箋疏 蘭溪張壽頤 錢氏小兒藥證直訣義疏 嘉定張山雷

錢氏產科驗方 錢少楠編 壽祺校錄 新解兒難 何幼廉編

醫案 志誠堂醫案 鹽山張壽甫撰

雜錄 治療述異初編 廣陵徐召南 讀傷寒論記 紹興史久華

近聞 名醫逝世 錄老申報

介紹吳氏中西脈學講義

此書係閩泉州同安吳黼堂先生撰述。擇其精切有據。足徵實用者。參諸西說。以會其通。舉凡常法變法。新久病法。及察脈各玄機。大率皆舊訣所未見及之作。鑑別甚精。體例亦善。足爲近今中醫學校教授之善本也。

總發行所上海文瑞樓 定價每部大洋八角

介紹張氏中風斟詮

此書係蘭溪中醫學校教務主任張壽圃先生撰述。其學說融貫古今。溝通新舊。剝膚存液。崇實黜華。爲治中風者定一標準。本社同人。固多欽佩。廉臣尤贊其學雖參西。方選國粹。閱報諸君。諒必先覩爲快焉。

總發行所蘭溪中醫學校 定價 官堆紙每部一元五角 重太紙每部 元

政府之提倡。我中華醫學。肇自神農。靈素本草諸經。意旨精微。數千年來。闡發奧旨微言。代有名人。對於發揚國粹。保全民命。實非淺鮮。而我國自創辦學校以來。對於中醫學校既漏列入學校系統之內。而於中醫課程。亦未規定。殊於倡導國醫發揚國粹。多所缺略。爰將中醫學校。應列入學校系統之理由。條列於左。以備採擇。我國醫學自黃帝歧伯。以君相關心民瘼。講學於朝廷之上。厥後周禮有醫師之設。宋神宗考選諸生。仿周禮遺制。設六科以教士。是知我國歷代政教。無不提倡國醫。慎重民命。况今世界各國。競以其國固有之學術相誇耀。以期特立於學術昌明界中。乃吾國反是。設立學校。講求學術。採取西醫。而竟將中醫遺棄於學校教育以外。殊非所以慎重民命。重視國學發揚國光之道。如謂中醫治病寡效。則數千年來民命之維持果何術乎。此中醫應加入學校系統之理由一。

我國地大物博。人民衆多。高山平地。寒溫之氣候不同。南北東西。方隅之燥濕各異。且人殊賦稟。令別寒暄。歷代醫家窮研深究。至精至微。至詳至盡。故其治病之效。如鼓應桴。自非執一之法可比。正宜集聰穎之學子。彙歷代之著述。精密研求。使中醫成爲有系統之科學。於以闡揚國學。應世救民。此中醫應加入學校系統之理由二。近來我國中醫學校及病院之創設。如漢口山西江蘇廣東浙江等處。均有設立。成績已著。惟教育部無中醫科目之規定。致令辦理此項學校者。無課程矩矱之遵循。而有志之士。以是項學校。未入學校系統。畢業後。不能得醫士學位。裹足不前。辦理此項學校者。又因不得國家之提倡。公費之補助。任令私人維持。發展爲難。以人民生命攸關之事。國家視爲無足重輕。遺棄國學。蔑視民命。莫此爲甚。此中醫應加入學校系統之理由三。日本與我國同文同種。自

明治維新以來。毅然禁絕漢醫。採行西法。然今之台灣。已入日本版圖。而實行西法。乃查敝校年來每有日籍台人來校求學。詢其志願。則曰台灣雖行西法。而疾病治療。西醫於該處時令風土體質。多所隔閡。效驗較中醫爲鮮。社會人民。因此多轉信中醫。惟爲法令所禁。求學無從。是以不憚千里來學。觀此則知中醫學術。雖在異國受西學之排擠。而終爲社會所信仰。我國社會信仰中醫。不減彼邦人士。顧爲政府輕棄。漏列學校教育系統之外。殊於社會心理相反。此中醫應加入學校系統之理由四。我國貧弱已達極點。愛國之士。莫不思維持國貨。以塞莫大漏卮。而近數十年來。西藥之輸入。隨學校教育而大盛。不特此也。西醫中更分東醫德醫英美醫之別。各以其所國學之不同。而行銷其國之藥品。致外國藥房之設立。隨處皆是。此固爲近來人民對於衛生之講求。亦足徵西藥之暢銷。且自五

卅事件發生後。人民競以經濟絕交相號召。而對於西藥一層。尙不免於銷用。徒以西醫所開方藥。無國貨以替代之也。甚矣以人民生命攸關之藥品。而全仰給於外人。其何以堪。倘能將中醫與西醫並列於學校教育之中。則中藥行銷。何至每年耗數千萬之漏卮乎。此中醫學校應加入學校系統之理由五。基上五種理由。是中醫學校於吾國歷史上及現今實際狀況。有加入學校系統之必要。爰將辦法擬定。務請貴社提交公決。建議教育部施行。(辦法)(一)中醫專門學校。應加入學制系統改革令高等教育段內。(二)中醫專門學校課程標準。應由全國教育聯合會。聘請中醫專家議定。陳請教育部公布。(三)各省區應設公立中醫專門學校。(四)各省區醫藥專門學校內。應添辦中醫科與西醫並重。(五)各省區私立中醫專門學校。應由教育部認可。(一)各省區所辦私立中醫專門學校。應由公款補助。(二)各省

區公私立中醫專門學校教職員學生及畢業生。應與各專門學校同等待遇。
附錄敝校歷年所用之暫行科目課程表。以備參考。（文長從略）

復周君小農論醫者宜辨類病之異同

劉蔚楚

尊示旁及楊公救我虛損垂危。因胃絕。以茯苓活動諸補品。不嫌其利水。因氣竭便秘。故大腸藥中。不棄歸芍之滑。次日大解。卽減白芍。加附子鹿茸。玉桂協熟地五味子。取以引火歸元。麝香偶用三四釐。在治至七八月後。取以引藥通腦。且當日凡味太過酸苦甘鹹。到喉必吐。非楊公遵越人喻陳大法。以陽運陰。斷難救此虛損垂危。設使次日無大解。三日不納食。藥到吐出。何以生信用而圖久治耶。如係虛勞病之宜陰陽兩補重補。未至如此垂危者。則歸芍能開後門。茯苓能開前門。與玉桂之辛動。麝香之走竄。明者自知參酌等語。此真持平之論。弟因而有所深感焉。病初誤

疏散。後誤滋斂。虛損無陽。命似游絲。寧能姑試。寧堪再誤。楊公良工
心苦。日月同懸。而疾愈經年。并無腫脹。惟常吐清水。左腹如挾水一瓶
。搖動有聲。又甚不喜飲湯。雖荳蔻黑薑。不離於口。黑錫丹綜用二十兩
餘。尙難去此。除服藥外。兼習運動家所授廿四行功。復經年乃愈。其初
使稍偏陰藥。微命不立隨以傾乎。此瞭然如視諸掌者也。使大西醫再診之
。將謂胃腸發腐。或要剖割。亦未可知。凡症。病情萬變。活法在人。譬
諸宗師命題。對題作文。方能入彀。醫者之題何在。卽在望聞問切中耳。
按其現狀。推其原理。斷症處方。對症用藥。正如作文對題。苟藥未對症
。效從何取。無效。漫講楊公。卽自比名垂百世之大賢。其孰能信之。正
之中有變。法之外有法。楊公仍守正法。拙記已詳。揭藥題目。自古大經
大法。醫者應知。而臨床仍要化裁通變。今幸續命有湯。行年六十有二矣

。遵師教者。用之三十餘年矣。憶學醫至二十六歲。最初出診。卽去冬所著六案等。見三三報第十九期。臨床必悉心體認。竭其綿力所能爲。對於貧富窮通。毫無畛域。藥品雖貴。有則不吝人之取求。此無他。當時幸賴先君。衣食無缺。苟以名售。以利售。弗以誠求。將何以對吾師吾父。竊束髮受書。於古嘗聞矣。窮則變。變則通。通則久。易之訓也。濬哲文明。溫恭允塞。書之典也。維此文王。小心翼翼。昭事上帝。聿求多福。詩之教也。強恕而行。求仁莫近焉。孔之學也。苟能愈病。師巫何害。苟未愈病。盧扁奚奇。君之說也。勿偏一派。弟之言。實君之意也。留心四診。罔敢執着死書。不問其他。祇竭吾才。自憐者輒復憐人。不過自懺飽嘗之痛苦。非盡囿於喻公仁厚之言也。

溯十一年春到滬。君長勸著述。因學淺。鮮暇。多病。十二年冬。始勉下

筆。十三年夏。陳濯江兄。力勸印刷。代送廣東通志館。始成此急就章。初何敢見天下士耶。不意海內諸大君子。反過許之。自是善善從長。獎之逾分。而受君德愛。與楊公臨床曲救之苦心。故生平一切所經。絲毫皆自視歆然。又是恐負父師良友。人誰不愛其所尊所親所友。等於生命視之。吁言至此衷心惻然。而亦憂然不能再下一語矣。請君試代下一轉語。

論細嚼緩嚥之原理

沈仲圭

吾人消化之途。大要凡三。一曰口腔。飲食入口。經齒片之咀嚼。唾液之混和。變爲碎屑。且將澱粉質。分解爲糖。二曰胃。碎屑由咽頭經食道而入於胃。胃遂分泌胃液。并起收縮作用。以溶解蛋白質。而化碎屑爲食糜。三曰小腸。食物經二度之消化。猶未盡淨。故輸入小腸。以行最後之化分焉。他若脾液胆汁。注於小腸之上端。(卽十二指腸)以助消化之不逮。

乃消化系之相傳也。徵諸中說。昔賢言飲食有三化。一曰火化。二曰齒化。三曰胃化。三者並重。不可缺一。而經曰。「小腸者。受盛之官。變化出焉。」則與新學說相合矣。

據此以言。口腔爲人身消化之第一步。齒牙之盡責與否。關係於胃腸之強弱甚大。蓋未經細嚼。遽爾嚥下。食物不會十分細碎。澱粉何由充分溶解。胃腸必出全力。以代口腔之勞。言其結果。一則以少用而朽腐。一則以過用而致病。胃腸既病。穀納必減。各組織之消耗。莫由補償。而衰弱貧血諸病蜂起矣。是以狼吞虎嚥。縱曰細事。而一究其害。竟足影響全體。吾人安可漠然視之。而不加意乎。

昔英相格辣斯頓。食物一口。嚼之二十四五次。壽至九十。德哲學家康德。日食一餐。每餐至一小時之久。老而彌健。其他因實行細嚼緩嚥。而享

新與醫學月刊
高齡者。亦所在恒有。西諺曰。「以其齒牙。掘其坟墓。」中諺曰。「病從口入。」雖屬警誡過食之詞。而速食之害。與茲何異。細嚼緩嚥。學理既圓滿。功效又卓著。原爲人類正當之食法。獨惜世人。狃於積習。未能改良。則提倡宣傳之功。烏容一日已乎。

申論黃疸治法

鹽山張錫純

嘗讀本報第四期。見有章太炎先生論黃疸證治法。甚爲精當。愚見獵心喜。遂將生平所用金匱硝石礬石散。通變加減。治愈內傷黃疸諸案。登於本報第六期。以表明槍。石礬石散。不但爲治女勞疸之專方。實可爲概治內傷黃疸之的方。至於治外感黃疸。則傷寒論治發黃諸方。至爲精妙。用之皆可隨手奏。無須再爲申論也。乃去歲滄州一帶。自仲秋以至孟冬。多有黃疸證。實先由外感。而積成內傷。爲內傷外感。合併而成之病。其人身

無大熱。一傷寒發黃證約皆有大熱。心中滿悶。時或發熱。見飲食則惡心。

強食之恒作嘔吐。或食後不能下行。劇者至成結證。又間有腹中覺涼。食後飲食不消化者。僕經手治者六十餘人。皆完全治愈。其脈左似有熱。右多鬱象。蓋其肝胆熱而脾胃涼也。究其證之原因。爲本年季夏。陰雨連旬。空氣之中。所含水分過度。人處其中。臟腑爲濕所傷。肝胆屬木。稟少陽之性。濕鬱久則熱。脾胃屬土。稟大陰之性。濕鬱久則生寒。此乃自然之理也。爲木因濕生熱。則膽囊之口腫脹。不能輸其汁於小腸以化食。轉溢於血分。色透肌表。而發爲黃色。土因鬱生寒。故脾胃火衰。不能熟腐水穀。輸轉下行。是以恒作脹滿。或成結證。爲疏方用茵陳梔子連翹各三錢。瀉肝膽之熱。即以消膽囊之腫脹。厚朴陳皮生麥芽（麥芽生用不但能開脾胃且善舒肝）各三錢。生薑五錢。開脾胃之鬱。卽以祛脾胃之寒。茯

苓片生薏米赤小豆。（係作飯之小豆奉天以紅豆所謂相思子者作赤小豆差謬殊甚）甘草各三錢。瀉臟腑之濕。更能培脾土以勝濕。且重用甘草。卽以矯茵陳之劣味也。（此證聞茵陳之味多惡心嘔吐故用甘草調之）服一劑後。心中不覺熱者。去梔子加生杭芍三錢。再服一劑。若仍不能食者。用乾薑三錢。以代生薑。若其心不覺熱。轉覺涼者。初服卽不用梔子。以乾薑代生薑。涼甚者乾薑可用至五六錢。嘔吐者。加赭石六錢。腸胃之間。結而不通者。用藥湯送服牽牛（炒熟）頭末三錢。如此服至能進飲食。卽可停藥。黃色未退。自能徐消。夫證之徧境皆同者。皆屬外感。茲則先由外感。積久釀成內傷。而後發現。實又於金匱傷寒之黃疸病外。而另爲一種矣。

法皆同。且凡所謂子懸者。本是氣升爲多。亦不必其胎之果能上升也。七寶六神。祇是順氣化痰。所以不致礙胎。若使投以大劑重墜之藥。亦將有傷胎之變。

妊娠腫脹

〔箋疏〕妊身發腫。良由真陰凝聚。以養胎元。而腎氣不能敷布。則腎中之輸尿管無力。遂致水道不通。泛溢莫制。治當展布腎氣。庶幾水行故道。小洩利而腫脹可消。此惟仲景腎氣丸。最爲正治。但附子最是礙胎。苟非症勢危急。慎弗輕率援用。以貽口實。其頭面腫者。則肺氣不降。上源不清。而水道亦不利。則當開宣肺氣。復其肅降之常。面即不浮。

〔箋疏〕葵子滑而下行。近人有傷胎之說。雖是古方。必須慎用。

〔箋疏〕是方專從氣分着想。意謂氣得通調。而腫可自愈。然方下則謂三月

成胎之後。臑腫至膝。甚至喘悶妨食。足指間出水。則水之泛濫甚矣。豈僅理其氣。所能有效。沈堯封謂必皮厚色不變。方是氣病。用此爲對症。乃是認症要訣。

(箋疏)妊至八九月而始有脚腫。尙是常事。其症本輕。既不上升大腫。則娩後自消。固不必治。非若妊身三四月而卽腫者可比也。

(箋疏)此節出於正史。似乎必有此事。然言其然而不能言其所以然。雖針刺家書。言之鑿鑿。曲爲附會。咸推徐氏仁心妙手。頤竊謂文士言醫。不諳此中真理。每每侈詡新奇。而實無理可喻。二十四史方伎術中。十九難信。更何論諸家文籍。及郡縣志乘。而此外之小說家言。益可知矣。江氏魏氏名醫類案。不知芟蕪。以多爲貴。可笑者不知凡幾。又圖書集成醫部之末數卷。搜輯醫術名流列傳。專采省縣志書。奇奇怪怪。複疊重累。依

樣描摹者。甚至前後十餘條。如出一手。文人之筆。鄙俚一至於此。頗戲爲之集成一編。名之曰古今怪案。可爲醫界中一部笑史。文伯此條。亦其一耳。必不可信。

(箋疏)水既洋溢。胎浸其中。安有不壞之理。必二便暢行。而死胎始下。亦是至理。

妊娠經來

(箋疏)此節出脈經第九卷。考脈經一書。單行佳本。極不易得。金山錢氏守山關叢書有之。光緒十七年。皖南周澄之亦刻入醫學叢書中。則據嘉定黃氏道光間校刻本。頗與錢本微有出入。茲據周本校沈氏所引此節。錄其同異於下。以備考覈。但本節文義。亦頗有不甚明瞭者。吾國極古醫書。多有此可疑之處。本不能勉強注釋。強求真解。亦不容自吾作古。妄詡聰

明。姑付闕如。以俟賢者。

（箋疏）產乳集。今未見此書。考四庫書目提要。產育寶慶方二卷。係從永樂大典錄出重編。嘗引產乳備要。似卽此書。乃宋人舊本。頤謂榮經有風一層。殊不可信。荊芥一味。非可浪投。堯封所謂血熱肝火二者。其症最多。可師可法。房室不節。擾動衝任。尤爲墮胎半產之根萌。則必有腰痠等證。亦不僅脈虛二字。足以概之。并非人參所能有效。六味太泛。亦非必需之藥。

（箋疏）花溪老人此論。分別有餘不足。甚是明晰。謂踰月不產。因於不足。宜用培養一層。洵是要訣。縱使其人本未漏胎。而旣以逾期不生。母氣不旺。亦復何疑。

（箋疏）此胎漏與洩血之辨別處。一由精竅。一由溺竅。此惟患者自能知之。

陰薄弱。不勝氣火燔灼。致有上冲激腦之變。如其真陰不虛。自能涵陽者。必不致此。則病情源委。仲陽固知之甚明。又豈有虛症而可投發散者耶。

傷食後發搐

傷食後得之。身體溫。多睡。多睡。或吐不思食而發搐。當先定搐。搐退。白餅子下之。後服安神圓。

〔疏〕傷食而致發搐。亦由壅滯不通。氣上不下。乃有此變。是宜先去其滯。則地道一通。氣火自平。而腦神經可復。錢謂當先定搐。搐退而後可下。又不言定搐當用何法。未免先後倒置。須知既因食積而後致搐。則食不去。卽搐不可定。白餅子雖是猛劑。然本爲實症而設。所服無多。亦不爲峻。

百日內發搐

眞者不過兩三次必死。假者發頻不爲重。眞者內生驚癇。假者外傷風冷。蓋血氣未實。不能勝任。乃發搐也。欲知假者。口中氣出熱也。治之可發散。大青膏主之。及用塗顙浴體法。

〔疏〕小兒驚搐。病理皆同。本不隨年齒長幼爲區別。而仲陽必以百日內發搐特立一條者。良由陰陽俱稚。腦力極薄。一經震撼。多不可支。其症較劇。其治較難。試觀不及周歲之嬰孩。患此者。必多不起。其故可思。錢謂血氣未實。不能勝任。固已一言說盡。勘透眞情。須知此症皆是內因。何有眞假可分。仲陽乃以外傷風冷並論。終是未知腦經爲病。致有此誤。要之驚搐一症。必無發散可愈之事。且大青膏亦非發散之藥。而塗顙浴體二方。亦俱不合病情。不可妄試。

【諸疔證候】

諸疔

疔在內。目腫。腹脹。利色無常。或沫清白。漸瘦弱。此冷證也。

（疏）小兒之疔。卽大人之虛勞。五臟虛證。皆謂之疔。故有五疔之稱。然惟脾胃病最多。則幼孩嗜食。往往過度。能容而不能化。馴致腹脹如蛛。消瘦骨立。多由父母溺愛。唯求其能食之禍。此節以虛寒言之。脹而利下。色青或白。或止有白沫。純是脾陽失司之候。治宜理中。甚者必加附子。

疔在外。鼻下赤爛。鼻頭上有瘡。不著痂。漸遠耳生瘡。治鼻瘡爛。

（疏）此疔之發於外者。良由肺胃熱熾。故瘡發於鼻頭鼻下。其遠耳生瘡者。多在耳後縫間。後世謂之璇耳瘡。屬少陽經之熱。痛痒流水。最爲

難愈。宜內清少陽之火。外敷止痒收濕之藥。此雖外症。然皆由諸經蘊熱而生。藺香散白粉散。俱用輕粉。止痒殺虫。誠是外科之佳方。

心疳。面黃頰赤。身壯熱。當補心。安神圓主之。

(疏)此火盛之症。故謂之心病。安神圓清潤泄火。導熱下行。雖曰補心。實是瀉熱之劑。

肝疳。白膜遮睛。當補肝。地黃圓主之。

(疏)此肝腎陰虛。而虛火上炎。內服藥物。固宜滋養肝腎真陰。然外亦必用消翳點藥。但病已頑痼。極不易效。

脾疳。體黃腹大。食泥土。當補脾。益黃散主之。

(疏)腹大而嗜食泥土。是爲癖積。且有蟲也。法當攻積殺蟲。益黃散溫中行氣。似非此症主劑。今西藥有山道年。專攻蟲積。爲效頗捷。(市

肆中盛行疔積糖。卽山道年和糖所製。

肺疔。氣喘。口鼻生瘡。當補脾。益黃散主之。

〔疏〕此肺熱之症。氣喘固亦有肺火閉塞之一候。口鼻生瘡。法宜清泄肺胃。益黃散乃溫運脾虛之藥。治此症殊非所宜。

腎疔極瘦。身有瘡疥。當補腎。地黃圓主之。

〔疏〕此節太嫌浮泛。未可爲法。

筋疔。瀉血而瘦。當補肝。地黃圓主之。

〔疏〕筋屬肝。故曰當補肝。然瀉血之病源。殊不一致。自當求其病因而治之。六味地黃。胡可統治各種瀉血之症。

骨疔。喜臥冷地。當補腎。地黃圓主之。

〔疏〕此骨蒸內熱之候。故喜冷地。六味地黃。亦嫌泛而不切。

諸疳皆依本藏補其母。及與治疳藥。冷則木香圓。熱則胡黃連圓主之。

(疏)五臟分主五疳。雖是有理。然其實已不免於附會。若謂各依本藏補其母。更是浮泛膚淺之說。胡能取效。胡黃連丸雖可治實熱症。而木香圓中有檳榔千金子。豈可以治寒症。似此通套論治。徒授庸醫以簡陋法耳。豈是剴切詳明之真實學問。

疳皆脾胃病。亡津液之所作也。因大病或吐瀉後。以藥吐下。致脾胃虛弱

。亡津液。且小兒病疳。皆愚醫之所壞病。假如潮熱。是一藏虛。一藏實。而內發虛熱也。法當補母而瀉本藏。則愈。假令日中發潮熱。是心虛熱也。肝爲心母。則宜先補肝。肝實而後瀉心。心得母氣。則內平而潮熱愈也。醫見潮熱。妄謂其實。乃以大黃牙硝輩諸冷藥利之。利既多矣。不能禁約。而津液內亡。即成疳也。又有病癖。其疾發作。寒熱飲水。脇下有

時。必先辨其寒熱虛實爲首要。參以安胎爲主治。况病在孕婦。與常痢不同。一禁蕩滌腸胃。二禁疎利膀胱。三禁兜濕滯氣。故以仲景黃芩湯爲君。既能導滯止痛。又能清熱安胎。臣以枳壳桔梗。一則開降以除裏急。一則開提以祛後重。升降互用。爲調氣寬腸之必要。佐以白頭翁銀花炭。以疎暢腸中之滯氣。而除痢下之膿血也。使以茉莉花。調氣止痛而已。其要在白蜜與生蘿蔔汁並用。能潤腸而無損胎元。去積而不傷中氣。合而爲劑。爲治孕婦屢試輒驗之要方。若夾他因別症。仍當隨因症加減。

方名主治

錢氏通淋湯（化氣滋腎法）

專治孕婦小便淋漓澀痛。或膏淋。或砂淋。或氣淋。甚則血淋。皆名

子淋。

藥品用量

鮮生地 六錢至八錢 淡竹葉 錢半至二錢 紫苑 三錢至五錢

青子芩 錢半至二錢 地膚子 二錢至三錢 桔梗 一錢至錢半

肥知母 三錢至四錢 生甘細稍 七分至八分

先用生藕肉四兩。野菰根二兩。兩味煎湯。代水煎藥。

隨症加減

如因濕熱下注。流入膀胱。釀成砂淋者。本方去生地桔梗。加石葦二錢至三錢。海金沙二錢至三錢包煎。如因腎氣虛熱。下移膀胱。釀變膏淋者。本方去紫苑桔梗。加淡秋石八分至一錢。生川柏五分至七分。如因脾腎氣虛。下陷膀胱。變為氣淋者。本方去生地知芩。加入參

溫熱瘧小引

吳氏翰通謂溫熱瘧。卽六淫之火氣。消鑠眞陰者也。療法同上風溫論治。但風溫之病瘧者輕而少。溫熱之致瘧者多而重。藥之輕重淺深。視病之輕重淺深而已。其立言未免籠統。夫吳氏所謂風溫者。卽葉氏論溫二十則。所云溫邪上受。首先犯肺。逆傳心包之證。乃新感風熱之爲病也。若溫熱之爲病。素問所謂冬傷於寒。春必病溫。靈樞所謂冬傷於寒。春生瘧熱是也。病之輕重淺深。一因新感。一因伏氣。原因旣異。證治亦不得混同。況在小兒之溫熱瘧乎。其原因較少壯亦多各異。就幼廉實驗所知。凡伏溫化火。刺激神經而發瘧者。則爲溫瘧。伏熱化火。衝動神經而發瘧者。則爲熱瘧。溫瘧之中。有因胃腸燥火而發瘧者。有因心肝壯火而發瘧者。有因劫燠腎陰而發瘧者。有因熱伏衝督而發瘧者。熱

痲之中。有因胎熱而發痲者。有因癩熱而發痲者。有因丹毒而發痲者。有因胎毒而發痲者。（如痘疹發痲之類皆是）且溫熱二痲之中。以夾食積熱爲最多。頭緒紛繁。若不查明原因。辨明證候。鮮不誤殤兒命。兒命其何堪哉。鞠通曾謂只治致痲之因。而痲自止。不必沾沾但於痲中求之。若執痲以求痲。吾不知痲爲何物。此說誠然。果如其說。未免前後自相矛盾矣。幼廉不才。將溫熱二痲。分作二節論治。先論溫痲。次論熱痲。庶幾分際清晰。以免籠侗之弊。然耶否耶。乞海內專門名家有以教正之。

六 溫痲

（病源） 其因有四。一因胃腸積熱。一因心肝壯火。一因熱燄腎陰。一因熱伏衝督。皆足以激刺神經。而致痲癩之原由。

（症候） 胃腸積熱症。一起即灼熱自汗。渴不惡寒。面赤唇紅。脊強而厥。

之力也。遂俾先至鍋店。刮取生鐵鏽一兩。煎湯服之。其疼頓減。可以安臥。繼將前方去龍骨牡蠣龍膽草。加梔子茵陳各三錢。連服三劑。頭疼全愈。用鐵鏽者。鐵爲五金之一。藉金氣以鎮肝木也。湯劑中加茵陳者。取其能瀉肝兼能舒肝。(茵陳即始生之青蒿、故能舒肝、)雜於平肝藥中。不使肝起反動之力也。

腦充血即腦出血之初步現狀若不速爲治愈往往血壓腦筋而爲腦溢血之危症此案療法潛鎮泄降恰合厥巔疾之經旨與喻西昌治吳天官之母案異曲同

工

印巖謹按

內科女子癥瘕案

(病者)李氏婦。年近四旬。住鹽山城東北李邊務。武生李佐亭之妻。

(病名)女子癥瘕。

(原因)產後惡露未盡。結爲癥瘕。初原甚小。漸長而大。復漸長而上。其初長者稍軟。隔年則硬如鐵石。七年之間。上至胃口。旁塞兩肋。飲食減少。時覺昏憤。劇時昏睡一晝夜。不飲不食。屢次服藥。分毫無效。後因愚爲其夫姊治瘡證。覲面自述其病。問還有治否。診其脈有根柢。許謂可治。爲其病實身弱。爲開助氣破血之藥授之。囑其連服三十劑。癥瘕必消。孰意病人以愚爲當面應酬。自揣其病。斷無可治之理。竟置不服。至隔年病又加重。復延爲診視。

(症候)此時昏睡四日不醒。其家人惶恐無措。爲備後事。診其脈雖虛弱。仍有根柢。其所以昏睡不醒者。因有虛熱挾痰上攻也。爰投以降火清痰之劑。豁然頓醒。

(診斷)病人因服藥有效。轉念病或可治。愚因懇切告之曰。去歲若服愚藥

。病愈已久。何至復有此危險。然因脈象有根。病雖危險。仍可救愈。甚勿再遲延也。

〔療法〕欲治此證。固當以消除癥瘕爲主。然病久體弱。不能勝藥。必重用補氣之藥輔之。俾氣旺自能運行藥力以除病。不然。則凡破癥瘕之藥。皆能傷氣。恐癥瘕未消。而氣轉莫支。此疏方時。不可不預爲之防也。

〔處方〕生箭芪三錢。野臺參二錢。於朮三錢。生懷山藥五錢。天花粉四錢。知母四錢。三稜三錢。莪朮三錢。生鷄內金三錢（搗細）。用水煎至將成。摻好醋小半鍾。煎一大鍾溫服。

〔結果〕右方如法服三十餘劑。病大見愈。惟最初所結之病根。如核桃之巨者尚在。又於方中加水蛭（不宜炙用）一錢。服數劑。癥瘕消無芥蒂。後用此方屢治女子癥瘕皆效。即廿餘年者。服之亦可除根。因將此方登於拙著

衷中參西錄。名之曰理衝湯。

女子癥瘕爲婦科最多而難治之症每見從漢方者輒用金匱膠艾湯送下鱉甲煎丸或用溫經湯送下大黃蠱蟲丸從時方者用逍遙散合香蘇飲送下化癥回生丹法皆通補兼施然輕而淺者效重而深者多不效此案方法仿玉田王勳臣益氣破瘀法以治年久癥瘕甚爲穩健洵爲婦人醫者之益智綜也 印巖謹按

婦科癥瘕不育案

(病者)傅壽朋之妻。年二十餘歲。住鹽山城西傅家莊。

(病名)癥瘕不育。

(原因)傅氏之先。三世單傳。又皆少亡。至壽朋兄弟兩人。其兄又少亡無後。壽朋娶妻六年猶無生育。惴惴常以宗嗣爲憂。疑其妻不育。或有他病

。延爲診視。

(症候)六脈調和。身形強壯。分毫不見有病。細詢之。經脈調順按期。惟少腹有癥瘕。其大若橘。

(診斷)此癥瘕占居子宮。無受孕之處。所以不育也。

(治法)當用藥將其癥瘕化去。自然能育。然身形弱者。用藥消除癥瘕。恐於身形有傷。必當用補藥輔之。茲既身形強壯。可但用藥化其癥瘕。無須輔以補藥也。

(處方)水蛭主婦人無子。本經原有明文。此正爲其能消除子宮瘀血。婦人自能受孕也。遵本經之義。單用水蛭一兩。麻油炙透爲末。每服五分。開水送下。日服兩次。

(結果)如法服至十日盡劑。分毫無效。後改用生水蛭。爲末。每次服五分。日再服。服未至十日癥瘕全消。隔年即舉男矣。由是知水蛭若不炙用。

得水即活之語。皆是方書妄談。且其色黑味鹹氣腐。黑爲水色。鹹爲水味。腐爲水氣。純得水之精華。炙之則傷其精華。故無效也。且其性並非猛烈。徐靈胎謂其遲緩善入。蓋此物在水中。隨波盪漾。其行甚慢。此其所以遲緩也。一遇他物。則緊貼其身。而吸其血。且其吸血不但以嘴。即其身亦能吸他物之血。此其所以善入也。徐氏又謂其破瘀血而不傷新血。更爲精確之論。蓋水蛭色黑味鹹氣腐。瘀血亦色黑味鹹氣腐。原有同氣相求之妙。至於新血雖亦味鹹。而色紅無腐氣。水蛭之力。在新血中。有若隨水盪漾。毫無着力之處。是以破瘀血而不傷新血也。

案語顯明療法簡當發明水蛭功用足以破世人之惑使業婦科者放膽敢用病癥瘕者放心敢服真名論不刊之佳案也

印巖謹按

內科鼠疫案

(病者)施蘭孫。年三十餘。浙江人。奉天中國銀行經理。

(病名)鼠疫。

(原因)庚申冬令。黑龍江哈爾濱一帶。鼠疫流行。奉天防範甚嚴。疫毒之傳染。未嘗入境。惟中國銀行。與江省銀行。互有交通。鼠疫之毒菌。因之有所傳染。而發生鼠疫。

(證候)其精神時明時憤。恒作讖語。舌上無苔。乾亮如鏡。四肢逆冷。心中發熱。思食涼物。小便赤短。大便數日未行。

(診斷)其脈沈細。左右皆然。且遲甚。一分鐘五十八至。此證雖有外感傳染。實乃因寒生燥。(香港之地、有時鼠疫流行、又是因熱生燥、)因燥生熱。腎氣不能上達。陰陽不相接續。故證象脈象如此。其爲鼠疫無疑也。

此證若燥熱至於極點。肺葉腐爛。咳吐血水。則不能治矣。幸猶未至其候

。急用藥調治。尙可挽回。

〔療法〕治此證當以潤燥清熱爲主。又必須濟其腎氣。使之上達。與上焦陽分。互相接續。則脈變洪大。始爲吉兆。

〔處方〕生石膏細末三兩。知母玄參各八錢。生懷山藥六錢。野臺參五錢。甘草三錢。〔此方即拙著衷中參西錄、白虎加人參以山藥代粳湯、又加玄參也、本方後所載治愈寒溫病脈虛熱實之證甚夥、可參觀、〕煎湯三茶盅分三次溫飲下。

〔效果〕將藥服盡一劑。身熱脈起。舌上微潤。精神亦明瞭。又按原方再服一劑。大便亦通下。病從此遂愈。

鼠疫爲八大傳染病之一西醫名黑死病又名配斯篤有肺配斯篤腺配斯篤等之別吾國鼠疫彙編鼠疫集成專發明此病而設大旨以清解血毒爲君此案療

法潤燥清熱從人參白虎湯加減乃治肺配斯篤清燥救肺之方法爲治鼠疫者
別豎一幟

印巖謹按

兒科麻疹案

〔病者〕友人朱貢九之幼子文治。年五歲。住奉天小北門裏淡泊胡同。

〔病名〕麻疹又名猩紅熱。

〔原因〕庚申立夏後。因奉天地近寒帶。天氣猶涼。在庭嬉戲被風。遂發疹毒。

〔證候〕頭面周身。出疹甚稠。肌膚壯熱。舌苔白厚。嗜食涼物。小便黃熱

。大便乾燥。

〔診斷〕脈象洪數。重按有力。知其疹而兼瘟也。

〔療法〕因其熱盛。本擬重用涼藥清解之。知其素有心下作疼之病。出疹後
貪食鮮果。前一日猶覺疼。因此不敢放膽用藥。擬先投以清解輕劑。

(處方)生石膏細末玄參各六錢。連翹二錢。薄荷葉蟬退甘草各一錢。煎湯服。
(效果)晚間服藥。至翌日午後視之。其熱益甚。喉疼。氣息甚粗。鼻翹煽動。且自鼻中出血少許。形狀煩躁不安。脈益洪實。疹色紅而未靨。知非投以大劑寒潤。少用表散之藥輔之不可。又急爲疏方。用生石膏細末三兩。玄參麥冬(帶心)各四錢。薄荷葉連翹各一錢。煎湯兩茶鍾。分三次溫飲下。至翌日又視之。則諸證皆輕減矣。然其餘熱猶熾。大便雖下一次。仍係燥糞。詢其心猶發熱。脈仍有力。遂於辛涼托毒藥中。仍加生石膏一兩。連服兩劑。壯熱始退。繼用涼潤清解之藥。調之全愈。

麻疹爲小兒傳染病之一近世患者多而且劇往往夾猩紅熱而發週歲內嬰兒天殤者不可勝數此案療法仿繆氏清熱透疹却爲正治然血毒重者亦多救濟不及焉

印巖謹按

補其缺。

產

一隣婦。妊將娩。氣上逆。痛不可忍。就葛(可久)視。葛見之。遽以掌擊案。厲聲大叱。婦驚。產一子。葛慰曰。向見爾色青氣逆。是腹中兒上攻。少緩不可救矣。猝然被驚。故即產也。其神驗如此。蓬軒吳記

匕按內經曰。驚則氣下。故即產。此非草木金石所能救。

誤吞馬蝗

吳少師得疾。數月消瘦。每日飲食入咽。如萬蟲攢攻。且癢且痛。皆以爲癆瘵。迎明醫張銳診之。銳令明日勿食。遣卒詣十里外。取行路黃土至。以溫酒二升攪之。投藥百粒。飲之。覺痛幾不堪。及登溷。下馬蝗千餘。宛轉其半已困死。吳亦憊甚。調理三日乃安。因言夏月出師。燥渴。飲溷

水一杯。似有物入咽。遂得此病。銳曰。蟲入人臟。勢必孳生。飢則聚嘔精血。飽則散處臟腑。苟知殺之。而不掃取。終無益也。是以請公枵腹以誘之。蟲久不得土味。又喜酒。故乘飢畢集。一洗而空之。公大喜。厚賂謝之。以禮送歸。夷堅志

七按馬蝗即水蛭之諺稱。五六月間。水田最多。本草綱目載一人。因醉飲田中水。誤吞水蛭。胸腹脹痛。面黃。遍醫不效。因宿店中。渴甚。誤飲浸蓋水。大瀉數行。平明視之。水蛭無數。其病頓愈。

愈縱

元豐中皇子儀國公。病瘰癧。國醫未能治。長公主朝。因言錢乙起草野。有異能。立召入。進黃土湯而愈。神宗召見褒諭。因問黃土所以愈疾狀。乙對曰。以土勝水。木得其平。則風自止。且諸醫所治垂愈。小臣適當其

讀傷寒論記

紹興史久華未定稿

處今日科學昌明時代。陰陽五行之論調。勢難存立。但我國古時之醫書。遇着學理精深之處。輒借陰陽五行爲比喻。以明晰其理。而後世之人。謬認陰陽五行之生尅。以爲精粹。上焉者。議論風發。著述等身。而輻輳支離。不可究詰。即對於病源。如陰虛陽虛。及木火刑金水不涵木土不制水之類。亦津津而樂道之。下焉者。讀湯頭歌。誦藥性賦。祇熟記陰陽五行之生尅。自言足以應世而有餘。更不復從生理病理上之研求矣。果如是。則我國歷代相傳之醫學。豈不爲天演之淘汰者乎。無怪一般新學派。對於此種舊說。輒鄙夷而詬病焉。但古人治病。早經專重實際。如素問陰陽應象大論曰。善治者治皮毛。其次治肌膚。其次治筋脈。其次治六府。其次治五藏是也。可知古人治病。亦重人身之部位。而不側重陰陽五行之生尅

也。茲爲應世界潮流起見。竊恐醫學國粹。隨陰陽五行而淪亡。不揣譎陋。將仲景傷寒論引用陰陽五行之各節。隨讀隨錄。而附以管見。名之曰讀傷寒論記。以質當世之高明者。尙希有道君子。勿吝珠玉而指政之。則幸甚。

太陽篇

太陽病。或已發熱。或未發熱。必惡寒體痛。嘔逆。脈陰陽俱緊者。名曰傷寒。

人患脈浮頭項強痛之病。或者因其寒傷在表。尙未深入。已經發熱。或者因其寒入稍深。凝斂於中。不遽發熱。但則雖有已發熱與未發熱。可以辨其寒入之深淺。其在未發熱以前。必然先有一種惡寒之現象。雖在無風之時。亦是如此。而且因其寒邪束傷通體之氣而體痛。寒邪內侵裡氣不納而

名醫逝世

諸君知之乎。近日滬上名醫中。又弱一個矣。名醫爲誰。鼎鼎大名之傷寒症專家張聾聾也。張名震邇遐。婦孺皆知。然彼並不名聾聾。後因病失聰。人遂以聾聾呼之。至其本名轉致湮沒。而鮮知焉。

張諱世鏞。字驥雲。世代業醫。其父名玉書。亦有大名。以食河豚中毒而亡。墨餘錄載其事頗詳。茲不多贅。張行五。伯兄名曉雲。張事之如父。蓋幼歲喪父。一身本領。俱出於伯兄之培植。即其今日之成名致富。亦未始非兄之功也。故事之如父。宜矣。

張事母至孝。及母亡後。張夜宿棺傍。以安母靈。而張之第三子亦宿棺傍。以傍父。乃不久感疾亦亡。此時之張既哭高堂。又惜愛子。眞痛不欲生矣。張自奉甚儉約。而亦時以勤儉諄人。凡綢緞珍貴品。從不上身。其衣

服俱以土布爲之。當逝時。其子爲之更衣。見其內猶衣千補百綴之破衣。乃不禁爲之痛哭不止。

聾聵今年七十有一。終身勞碌。死前數日。猶親自看診。孰料其數日後竟長逝矣。張腦後垂有髮辮。其子若孫。亦有之。蓋秉張之意旨也。其原因。則不知張之頑固。抑故意留爲商標者。

張門診每日約有數百。醫金無定例。多少不論。普通約二角七十文。若貧病。則醫金不取外。張且給藥金。故一般貧病者。尤趨之若鶩。目爲救星云。

介紹諸名醫醫書籍

名醫王旭高先生醫書六種一退思集類方歌注二醫方證治彙編歌訣三增訂醫方歌訣四醫方歌括五薛氏濕論歌訣六西漢書屋夜話錄觀王君斯編以仲聖祖方爲主以後聖化裁而出之方爲輔歸類編歌便於誦記并於每方注明宜忌加減照此用之自然絲絲入扣恰合病情 總發行所上海千頃堂書局定價一元二角

名醫張壽甫先生藥物講義爲醫學衷中參西錄第四期新闡藥用中西並參能發前人所未發 總發行處滄州立達醫院 定價大洋一元實價不扣買書十部外贈二部 郵買付滙票不收郵票每部加郵費五分

名醫嚴癡孫先生金匱廣義會退思廬醫書第五種奧文玄旨多所闡明爲後學必讀之要書 總發行處慈溪東鄉費家市嚴氏養正學校 定價大洋一元二角照碼九折十部以上八折連郵費在內

名醫楊如侯先生靈素生理新論振興國學溝通中西爲研究生理學者必讀之要
書 總發行處山西省城中醫改進研究會橋頭街航慈醫院 定價每部四元照
碼八折 郵票代洋九五折計算並免郵費叢購十部者另贈一部

介紹各報

山西醫學雜誌中醫改進研究會出版爲名醫楊如侯趙意空二先生編輯新舊並
參內容豐富 總發行所山西太原省城精營東二道街門牌一號中醫改進研究
會 定價全年六冊大洋八角郵費九分

上海中醫雜誌內容既富醫案又多 總發行所上海西門內石皮弄中醫學會內
定價每冊大洋二角五分外加寄費三分定六期洋一元四角寄費一角八分

「新勝醫報全年十二期大洋一元郵費在內浙江蘇新勝醫報社發行」

鎮江醫學公會月刊全年連郵洋三角二分鎮江西城外老商會街醫學公會發行